



# Sulinermik Inuussutissarsiuqartut Kattuffiat

Postboks 9 • 3900 Nuuk • Tlf.: +299 32 21 33 • E-mail: sik@sik.gl

## Immikkoortoqarfiup aqqa aamma angerlarsimaffia:

### § 1. Immikkoortoqarfiup aqqa:

Sulinermik inuussutissarsiuqartut Peqatigiiffiat

S.I.P. Qaanaaq

Postbox 67

3971 Qaanaaq

### § 2. Immikkoortoqarfiup angerlarsimaffia.

B-xxx, mobil +299 594618

Email: qaanaaq@sik.gl

Avannaata Kommuunia

3971 Qaanaaq

### § 3. Peqatigiiffiup attaveqaataa ilaasortaaffialu.

Sulinermik inuussutissarsiuqartut Peqatigiiffiat S.I.P. Qaanaaq, Sulinermik Inuussutissarsiuqartut Kattuffiannut S.I.K.-mut ilaasortaavoq.

### § 4. Peqatigiiffiup siunertai.

Imm. 1.

Peqatigiiffiup sulissutigissavaa anguniassallugulu Avannaata Kommuuniani sulinermik Inuussutissarsiuqartut, taamatullu inuussutissarsiuqalerrumallutik ilinniartut taamaasa peqatigiiffimmut eqitissallugit.

Imm. 2.

Imm. 1.-mi pineqartut akissarsiaasa, inuuniarnermi ajunngitrsorsiaasa, ilinniartitaanerisa suliffigissarnissaasalu tungaatigut pitsaanerpaamik ikiorserniassallugit.

Imm. 3.

Peqatigiiffimmut ilaasortat, sulisullu sinniisaasa ajornartorsiulerfiini ikiorniartassallu-

---

Allakkat tamarmik qaatiguuliorneqassapput Kattuffimmut, inunntu ataasiakkaanut pinnagit

All mail is to be addressed to: Sulinermik Inuussutissarsiuqartut Kattuffiat

git.

Imm. 4.

Sulissutigissallugu qaammarsaassutigissallugulu sulinermik inuussutissarsiuteqartut suliffeqarfiini sulisut sinniisaat suleqatigalugit akissarsiatigut ajunngitsorsiassatigullu isumaqatigiissutaasimasut tunngavigalugit angusaqarfiginiartassallugit.

Imm. 5.

Peqatigiiffiup sullissinermini anguniassavaa sulinermik inuussutissarsiuteqartut ilaasortaallutillu malinnaajuarnissaat. Taamatullu anguniassallugu sulinermik inuussutissarsiuteqartut sulisitsisullu akunnerminni suleqatigiilluarlutik ikinngutigiuarnissaat.

## **§ 5. Ilaasortat, pisussaaffiillu.**

Imm. 1.

Ilaasortaaniarnermi peqatigiiffiup allaffianut imaluunniit suliffeqarfinni sulisut sinniisaat aqutigalugit saaffiginnittoqartassaaq.

Imm. 2.

Peqatigiiffimmut ilaasortanngortitsisoq pisussaavoq ilaasortanngortoq paasissutissanik assigiinngitsunik ilisimatissallugu, soorlu makkuninnga:

- a. Peqatigiiffiup sulineranik, ajornanngippat peqatigiiffiup malittarisassaanik tunniussinikkut.
- b. Ilaasortanngortup suliffiani ajunngitsorsiassatigut allatigullu atugassarititaasutigut.

Imm. 3.

Ilaasortanit suliakkiissutigineqartut tamarmik suliffeqarfinni sulisut sinniisaat aqutigalugit ingerlatinneqartassapput. Suliassaq sulisut sinniisaata nammineerluni naammassinnaangikkaangamiuk peqatigiiffiup ulluinnarni aqutsisuinut ingerlateqqissavaa. Sulivimmilu sulisut sinniisoqanngitsuni ilaasortat toqqaannartumik peqatigiiffimmut suliassiissuteqarsinnaapput.

Imm. 4.

Nunaqarfinni Qaanaap pigisaaniittuni sulinermi inuussutissarsiuteqartut soqutigisaqsaqatigiittut ingerlasinnaapput, tassa klub-tut. Soqutigisaqatigiit taakkua allatuulli ilaasortatut pisinnaatitaaffeqarput, peqatigiiffillu pisussaavoq paasissutissanik atortusanillu tamaginnik nunaqarfinnut ingerlatitseqqiissalluni.

## **§ 6. Ilaasortaanermut akiliut.**

Imm. 1.

Ilaasortaanermut akiliut qaammammoortoq peqatigiiffiup ileqquusumik ataatsimeersuarnerani aalajangersangaqartassaaq. Taamaattorli tassani paasinarsippat pissutsit asigiiingitsut pissutaallutik ilaasortaanermut akiliutip annertussusaa ullutsinnut naleqqukkunnaarsimasoq taava allanngortitsisoqarsinnaavoq ilaasortat ataatsimiisinneqarnerisigut.

Imm. 1. a.

Sulisartut 18-it inorlugit ukiullit, ilinniartut, ullup affaanut sulisartut, ilaasortat suliffissaarukkallartut kiisalu utoqqalinersiutillit qaammammut akiliutaasartup affaanik akiliuteqartassapput.

Imm. 2.

Ilaasorta qqaammatini marlunni akiliinngitsoortoq allakkatigut tamatumingga eqqaasinneqartassaaq, eqqaasitsinermilu ullu 14-it qaangiutsinnagit pineqartoq pisussaavoq Peqatigiiffimmut saaffiginnissalluni.

Imm. 3.

Akiliutissat pillugit allamik isumaqatigiissuteqartoqanngippat, ullullu 14-it qaangiunnerini pineqartoq saaffiginnissuteqanngippat ingerlaannartumik ilaasortaajunnaartutut isigineqartassaaq.

Imm. 4.

Ilaasorta q illoqarfimmut allamut nuunniaruni pisussaavoq tamanna peqatigiiffimmut imaluunniit suliffigisami sulisut sinniisaannut nalunaarutigissallugu. Nuunniarnermi nalunaarsimasoqartillugu peqatigiiffimmut ilaasortaanermut uppernarsaat peqatigiiffimmut ilaasortaasup nuuffigisamut illoqarfimmut nassiunneqartassaaq.

## **§ 7. Peqatigiiffiup aaqqissuussaanera.**

Imm. 1.

Ileqquusumik ataatsimeersuarneq aalajangersaaffiit annerpaartaraat.

Imm. 2.

Siulersuisut tallimat.

Imm. 3.

Ulluinnarni aqutsisut.

Imm. 4.

Sulisut sinniisaat.

## § 8. Ileqquusumik ataatsimeersuarneq.

Imm. 1.

Ileqquusumik ataatsimeersuarneq peqatigiiffiup ingerlanneqarnerani qullersaavoq.

Imm. 2.

Peqatigiiffiup malittarisassai aalajangersagaallu aatsaat allanngortinneqarsinnaapput ileqquusumik ataatsimeersuarnermi, marts -ip qaammataasa naatinnagu.

Imm. 3.

Ataatsimeersuarnissaq ullunik 14-inik sioqqatsisumik tusagassiutitigut allagarsiinikkut nalunaarutigineqartassaaq.

Imm. 4.

Ataatsimeersuarnissamut oqaluuserisassatut siunnersuutigiumasat, siulersuisunut allaganngorlugit tunniunneqartassapput ullumik 7-nik sioqqatsisumik.

Imm. 5.

Ataatsimeersuarneq pisassaaq ukiut marlukkaartumik.

Imm. 6.

Ataatsimeersuarnerup ingerlanissaa:

- a. Ataatsimeersuarnermik ammaaneq.
- b. Ataatsimeersuarnermi aqutsisussamik imaqarniliortussamillu toqqaaneq.
- c. Siulersuisut ukiumoortumik nalunaarutaat.
- d. Nalunaarutinut ilaasortat oqaaseriumasaat.
- e. Naatsorsuutit akuerisassanngorlugit saqqummiunneqarnerat.
- f. Ilaasortaanermut akiliut oqallisigineqarlunilu aaliangerneqartassaaq.
- g. Malittarisassanut allannguutissatut siunnersuutit.
- h. Missingersuutip akuersissutigineqarnera.
- i. Siulersuisunik qinersineq.
  - a) Siulittaasumik qinersineq.
  - b) Siulittaasup tullianik qinersineq.
  - c) Allatsimik qinersineq.
  - d) Siulersuisunik marlunnik qinersineq.
  - e) Sinnisussanik marlunnik qinersineq.

- f) Kukkunersuisumik qinersineq, SIK-ip kukkunersuisua toqqarneqarpoq.
- g) Taasariaqartut allat.

## § 9. Siulersuisussanik qinersineq.

Imm. 1.

Siulersuisut tallimaasut ataatsimeersuarnermi qinerneqartassapput.

- a) Siulittaasoq immikkut qinerneqartassaaq.
- b) Siulittaasup tullia immikkut qinerneqartassaaq.
- c) Allatsimik immikkut qinerneqartassaaq.
- d) Siulersuisut ilaasortassanik marlunnik qinersineq (2).
- e) Sinniisussanik marlunnik qinersineq.

Imm. 2.

Ataatsimeersuarnermi siulersuisunngortut ukiuni marlunni atasassapput, ukiulli qaa-ngiunnerani ilaasortanik ataatsimiisitsisassallutik, naatsorsuutit kukkunersioreersimasut, aningaasanullu pilersaarutit saqqummiunneqartassallutik oqaluuserineqarlutillu, aaliangerneqartassapput. Kiisalu kinaluunniit qinigassanngortissinnaavoq qaammatini 6-ni ilaasortaareersimasoq aammalu ilaasortaanerminut akileereersimasoq.

Imm. 2. b.

Siulittaasoq, siulittaasup tullia, allatsilu pisariaqartitsineq naapertorlugu peqatigiiffimmi suliffeqarallartinneqarsinnaapput.

Imm. 3.

Siulersuisunik qinersinermi qinigassanngortittullu arlaqarpata qinersineq allakkatigut pisassaaq. Qinerneqartut amerlaqatigiinnik taaneqarpata qinerseqqittoqartassaaq. Pingingajussaanik naligiippata makitsinikkut aaliangiineqartassaaq.

Imm. 4.

Aalaingiinermi amerlanerussuteqartut isumaat malinneqartassaaq.

Imm. 5.

Siulersuisunut ilaasortanngorsinnaapput SIP Qaanaamut sumiluunniit akilingassaqaanngitsut.

Imm. 6.

Kommuunimut ilaasortat siulersuisunut qinigassanngortissinnaanngillat.

## § 10. Immikkut ittumik ataatsimeersuarneq.

Imm. 1.

Ilaasortaasut toqqammavilersuutitalimmik allagaqarpata, ilaasortaasullu affaasa piu-Masaralugu atsiorsimappata, immikkut ittumik ataatsimeersuartoqartassaaq.

Imm. 2.

Siulersuisut tallimaajunnaarpata, siulersuisunilu sinniisussaqaangippat immikkut ittumik ataatsimeersuartoqartassaaq.

Imm. 3.

Immikkut ittumik ataatsimeersuarnermi malittarisassat allangortinneqarsinnaangillat.

Imm. 4.

Immikkut ittumik ataatsimeersuartsineqartassaaq § 8. aamma § 9. naapertorlugit.

#### **§ 11. Peqatigiiffiup aqunneqarnera.**

Imm. 1.

Peqatigiiffiup siulersuisuisa suliassaraat akisussaaffigalugulu ataatsimeersuarnermi aaliangersarneqarsimasut piviusunngortinneqarnissaat.

Imm. 2.

Siulersuisut suleriaaseqarnissartik nammineerlutik qanoq aalajangertassavaat, kisiannili siulersuisut akissusaaffiini allangusitsisumik imaluunniit peqatigiiffiup malittarisassaanik akerliulluinnartunik isumaqatigiissuteqartoqartassanngilaq.

Imm. 3.

Siulersuisut aningaasarsiaqarnissartik nammineerlutik aalajangertassavaat.

Imm. 4

Peqatigiiffiup ulluinnarni ingerlanneqarnera siulersuisut sinnerlugit akisussaasut tassaapput: Siulittaasoq, siulittaasup tullia kiisalu allatsi.

Imm. 5.

Ulluinnarni aqutsisut akunnerminni toqqartassavaat peqatigiiffiup aningaasatigut ingerlatsineq ulluinnarni aqutsisut sinnerlugit nakkutilliisoq.

Imm. 6.

Peqatigiiffimmi aningaasatigut aqutsineq ulluinnarni aqutsisut ataatsimeersuarnermi aa-

lajangersarneqarsimasut tunngavigalugit akisussaapput.

Imm. 7.

Imm. 2.-mi aalajangersakkat sulisut sinniisaat aqutigalugit ilisimatitsissutigineqartas. sapput.

Imm. 8.

Ulluinnarni aqutsisut pisariaqartitsineq naapertorlugu allaffimmiumik imaluunniit naat-sorsuuserisumik immikkut ilinniarsimasumik atorfinitsitsisinnaapput.

Imm. 9.

Siulersuisut nalinginnaasumik ataatsimiittassapput pisariaqartitsineq naapertorlugu. Ulluinnarni aqutsisut pisariaqartitsineq tunngavigalugu ataatsimiittassapput.

Imm. 10.

Siulersuisut sulisut sinniisaannik ataatsimiisitsisisassapput pisariaqartitsineq naapertorlugu.

Imm. 11.

Ilaasortat pisariaqartitsineq naapertorlugu ataatsimiisinneqartassapput kiisalu ilaasortanit oqaluuserisassanngortinneqartut tamarmik oqaluuserineqartassapput.

## **§ 12. Aningaasat.**

Imm. 1.

Peqatigiiffiup aningaasatigut aqutsineq ulluinnarni aqutsisut peqatigiiffiup ataatsimeersuarnermi aalajangerneqarsimasut tunngavigalugit akisussaapput.

Imm. 2.

Peqatigiiffiup ulluinnarni aningaasatigut ingerlatsinermi nakkutilliisoq § 11. imm. 3. tunngavigalugu toqqarneqarsimasoq pisussaavoq ulluinnarni aqutsisut siulersuisullu ataatsimiinnerani peqatigiiffiup aningaasaqarnera nalunaarutigissallugu, taamatutaaq sulisut sinniisaannut, taamatutaaq ilaasortat ataatsimiisinneqarnerani.

Imm. 3.

Aningaasanik tiguisarnermi aningaaserivimmiit siulersuisunut ilaasortaq tiguisinermi aningaasanik aqutsisutut toqqarneqarsimasut bank-imiit tiguisissutininik atsiorneqartassasoq inunnik marlunnik.

Imm. 4.

Ulluinnarni aqutsisut pisussaapput peqatigiiffiup aningaasatigut ingerlatsinerani allat-taveqartitsissalluni, tamatumanilu eqqortumik, isertut anisullu nalunaarsorneqarfigi-sassaanik isumannaatsumik katersuiffeqartinneqassapput.

Imm. 5.

Peqatigiiffiup pigisai nalillit immikkut sillimmateqartinneqarlutik nalunaarsuiffeqartin-neqassapput.

Imm. 6.

Siulersuisut sulisullu sinniisaat pisinnaatitaapput peqatigiiffiup anguniagassaanik pivi-usungortitsiniarnerminni immikkut aningaasaateqarfimmi pilersitsisinnanissamik, aningaasaateqarfik pilersinneqartoq immikkut katersuiffeqartinneqassaaq, tassa konto.

Imm. 7.

Imm. 6. tunngavigalugu aningaasaateqarfik pilersinneqartoq qaqugu atulivikkumaar-nissaa, immikkulluunniit maleruagassaqaqarnersoq pillugu siulersuisut sulisut sinniisaalu aalajangiiffigisassavaat.

Imm. 8.

Peqatigiiffitta aningaasaataanik atukkiisoqarsinnaangilaq kiisalu atortoqarsinnaanani.

Imm. 9.

Siulersuisunut ilaasortat arlaat aningaasanik atornerluisimatillugu ingerlaannartumik tunuartittaasassaaq kiisalu politiit aqqutigalugit taarsiititsiniartoqarsinnaalluni.

Imm. 10.

Imm. 6. aamma 7. tunngavigalugit aaliangersarneqarsimasut ilaasortanut nalunaaruti-gineqartassapput.

### **§ 13. Peqatigiiffiup attaveqaataa.**

Imm. 1.

Peqatigiiffik Sulinermik Inuussutissarsiuqartut Kattuffiata ataatsimeersuarnerani ilaa-titaqartassaaq, Kattuffiup inatsisai naapertorlugit amerlassusilinnik.

Imm. 2.



S.I.K.-p Nakkutilliisoqarfia imaluunniit naliginnaasumik ataatsimeersuarnissaa sioqqullugu peqatigiiffimmut ilaasortat ataatsimiisinnerisigut isumasiorneqartassapput, taamatullu Kattuffiup ataatsimiinnerani angusat paasisstissallu ilaasortanut ingerlateqqinneqartassapput.

Imm. 3.

S.I.K. Pisortat isumaqatigiinniartartoqatigiivinit akissaatit pillugit isumaqatigiinniarnissaat sioqqullugu piumasaqaatigiumasat isumaqatigiissutaasunullu allannguutissatut siunnersuutit suliarineqartassapput S.I.K.-mullu ingerlateqqitassanngorlugit.

#### **§ 14. Ilaasortaq toqukkullu qimagussimasut.**

Imm. 1.

Siunnersuuteqartoqarneratigut imaluunniit siulersuisut aalajangiinerisigut ukiuni arlaalinni ilaasortaasimasut ataqqinaammik ilaasortanngortitsinermi allagartaq immikkut peqatigiiffimmit akuersissutigineqarsimasoq atorneqartassaaq.

Imm. 2.

Ilaasortamik toqusoqaraangat siulersuisut misissuereernerimmikkut paasisatik najoqqutalugit qimataasut pisariaqartitsinerat naapertorlugu ikiorsiissuteqartassapput.

Imm. 3.


Imm. 1 aamma 2 naapertorlugit pisoqaraangat aningaasaliisoqassappallu § 12. imm. 6.-mi aningaasaateqarfik pilersinneqarsimasoq toqqammvigineqartassaaq.

#### **§ 15. Peqatigiiffiup atorunnaarsinneqarnera.**


Arlaatigut peqatigiiffik atorunnaartussanngoraluarpat pigisai nalillit siunertamut akerliunngitsumut tunniunneqassapput.

S.I.P. Qaanaaq-p malittarisassai allannguuteqarput ulloq 17. marts 2024

S.I.P. Qaanaq-p siulersuisui.



**Inge Qujaukitsoq Alataq**  
**Siulittaasoq.**




**Naduk Avike Qaavigaq**  
**Siulittaasup tullia.**



**Pualuna Kivioq**  
**Allatsi.**



**Ane Eipe**  
**Ilaasortaq.**



**Mamarut Qujautsitsoq**  
**Ilaasortaq.**